

# Menteri Besar dahului penerima darjah kebesaran Selangor

**KLANG** - Menteri Besar Selangor, Amirudin Shari mendahului senarai 91 penerima darjah dan bintang kebesaran Selangor sempena ulang tahun Hari Keputeraan ke-74 Sultan Selangor, Sultan Sharafuddin Idris Shah semalam.

Amirudin dikurniakan Darjah Kebesaran Seri Paduka Mahkota Selangor (SPMS) iaitu Darjah Kelas Pertama yang membawa gelaran Datuk Seri.

Naib Canselor Universiti Putra Malaysia (UPM), Profesor Datin Paduka Dr Aini Ideris pula menerima Darjah Kebesaran Datuk Setia-Sultan Sharafuddin Idris Shah (SSIS) (Kelas Pertama) yang membawa gelaran Datuk Setia bagi lelaki dan Datin Paduka Setia bagi wanita.

Istiadat pengurniaan darjah dan bintang kebesaran itu berlangsung di Istana Alam Shah di sini.

Mendahului senarai sembilan penerima Darjah Kebesaran Datuk Paduka Mahkota Selangor (DPMS) (Kelas Kedua) yang membawa gelaran Datuk bagi lelaki dan Datin Paduka bagi wanita ialah Ketua Hakim Syarie Selangor, Mohamad Adib Husain.

Penerima DPMS lain ialah Duta Besar Malaysia ke Sweden, Nur Ashikin Mohd Taib; Timbalan Panglima Tentera Laut (TLDM), Laksamana Madya Datuk Abdul Rahman Ayob; Asisten Ketua Staf Markas



Sultan Sharafuddin menganugerahkan Darjah Kebesaran Seri Paduka Mahkota Selangor kepada Menteri Besar Selangor, Amirudin yang membawa gelaran Datuk Seri semalam.

Tentera Darat, Mejar Jeneral Datuk Badrul Hisham Muhammad dan Pengarah Lembaga Urus Air Selangor, Datuk Ir Hashim Osman.

Turut menerima DPMS ialah Pengarah Urusan YTL Power International Berhad, Datuk Yeoh Seok Hong; Timbalan Setiausaha Kerajaan (Pengurusan) Negeri Selangor, Zamani Ahmad Mansor; Timbalan Naib Canselor UPM (Penyelidikan dan Inovasi), Profesor Dr Zulkifli Idrus serta



Sultan Sharafuddin menganugerahkan Darjah Kebesaran Datuk Setia Sultan Sharafuddin Idris Shah yang membawa gelaran Datin Paduka Setia kepada Naib Canselor UPM, Aini.

Bursar UPM, Zulkiflee Othman.

Sementara itu, lapan individu dikurniakan Darjah Kebesaran Datuk-Sultan Sharafuddin Idris Shah (DSIS) (Kelas Kedua) yang membawa gelaran Datuk bagi lelaki dan Datin Paduka bagi wanita.

Mereka ialah dua penerima dari Kerabat Diraja Selangor iaitu Syed Haizam Hishamuddin Putra Jamalullail Syed Anwar Jamalullail dan Raja Muzaffar Raja Redzwa.

Penerima lain ialah Asisten Ketua Staf Bahagian Komunikasi dan Elektronik, Markas Angkatan Tentera Malaysia, Laksamana Muda Shamsuddin Ludin; Ketua Pengarah Hidrografi, Pusat Hidrografi Nasional, Laksamana Muda Hanafiah Hassan dan Ketua Jabatan Siasatan Jenayah Selangor, Senior Asisten Komisioner Fadzil Ahmat.

